

Na osnovu člana 70. stav (4) u vezi sa članom 68. stav 1.. Zakona o javnim nabavkama („Sl. glasnik BiH“, br. 39/14), v.d. Predsjednik Općinskog suda u Kalesiji, donosi:

ODLUKU

Član 1.

Poništava se i stavlja van snage, odluka o izboru najpovoljnijeg ponuđača broj 029-0-Su-25-000169 od 22.07.2025. godine, poništavaju se i stavlja van snage rezultati e-aukcije od 21.07.2025. godine, stavlja se van snage i poništava Zapisnik o ocjeni ponuda broj 029-0-Su-25-000169 od 22.07.2025. godine, te u postupku javne nabavke računara i računarske opreme ugovor će se zaključiti sa ponuđačem **DOO INGEL Tuzla**, ponuda broj: 071625-1 od 14.07.2025. godine, za ponuđenu cijenu od **36.320,00 KM bez PDV-a**.

Član 2.

Ugovor će se dostaviti na potpis izabranom ponuđaču u roku od 5 dana, računajući od dana od kada ponuđač bude obaviješten o izboru.

Član 3.

Ova odluka stupa na snagu danom donošenja.

Obrazloženje

Javna nabavka je provedena putem otvorenog postupka. Izbor ponuđača izvršen je na osnovu kriterija najniže cijene.

Obavještenje o nabavci broj: 279-1-1-1-3-1/25 objavljeno je na Portalu javnih nabavki 16.06.2025. godine.

Komisija za javnu nabavku računara i računarske opreme imenovana Odlukom o imenovanju komisije za javnu nabavku računara i računarske opreme broj: 029-0-Su-25-000051 od 09.06.2025. godine, izvršila je otvaranje ponude dana 16.07.2025. godine. Komisija za javnu nabavku blagovremeno i pravilno izvršila otvaranje pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 4 (četiri) ponude;
- da je blagovremeno zaprimljeno 4 (četiri) ponuda;
- da nema neblagovremeno zaprimljenih ponuda.

Nakon izvršenog ocjenjivanja ponuda, Komisija je prilikom vrednovanja ponude konstatovala da su pristigle ponuda kvalifikovane. Kao najpovoljniji ponuđač sa najnižom cijenom posle e-aukcije, označen je NEUTRINO doo Tuzla, za koji je Komisija dala preporuku za izbor.

Dana 22.07.2025. godine, donešena je odluka o izboru najpovoljnijeg ponuđača, te je isti dan elektronskim putem svim ponuđačima dostavljena dokumentacija, izvještaj o toku i završetku e-aukcije, zapisnik o ocjeni ponuda te odluka o izboru najpovoljnijeg ponuđača.

Ponuđač INGEL d.o.o. Tuzla je nakon uvida u ponude svih ponuđača, dana 25.07.2025. godine, uložio žalbu na odluku o izboru najpovoljnijeg ponuđača broj 029-0-Su-25-000169 od 22.07.2025. godine, te u svojoj žalbi navodi da ponude ponuđača ne ispunjavaju uslove iz tenderske dokumentacije.

Dana 28.07.2025. godine, putem elektronske pošte svim ponuđačima, dostavljene su žalbe ponuđača INGEL d.o.o. Tuzla, te je traženo da isti dostave odgovor na navode iz žalbi.

Odgovor na žalbe nije dostavljen niti od jednog ponuđača.

Na osnovu člana 100. stav 6. Zakona o javnim nabavkama BiH, ugovorni organ nije donosio nikakvu odluku a žalba ponuđača INGEL d.o.o. Tuzla dostavljena je Uredu za razmatranje žalbi BiH, na razmatranje i donošenje konačne odluke.

Dana 04.09.2025. godine, Ured za razmatranje žalbi BiH Filijala Mostar, donijeo je rješenje kojim se usvaja žalba ponuđača INGEL d.o.o. Tuzla, te se odluka o izboru najpovoljnijeg ponuđača poništava, a predmet se vraća Ugovornom tijelu na ponovni postupak.

Rješenjem Ureda za razmatranje žalbi BiH, na osnovu prvog žalbenog navoda, naloženo je nama kao ugovornom organu da u ponovljenom postupku od izabranog ponuđača NEUTRINO doo Tuzla, u skladu sa članom 68. stav 3 Zakona o javnim nabavkama, zatražimo da dostave zvaničnu tehničku dokumentaciju kao što je datasheet, izjava proizvođača ili certifikat, da njihovi ponuđeni računari u cjelosti ispunjavaju tehničke zahtjeve definisane tenderskom dokumentacijom, tako da smo dana 10.09.2025. godine, dostavili ponuđaču NEUTRINO doo Tuzla, dopis broj 029-0-Su-25-000169, kojim smo tražili da u roku od 3 dana od dana prijema dopisa, dostavi navedenu dokumentaciju kako bi mogli donijeti novu odluku a sve u skladu sa rješenjem ureda za razmatranje žalbi BiH.

Ponuđač NEUTRINO doo Tuzla, nije u ostavljenom roku dostavio traženu dokumentaciju, tj. nije dostavio dokaz da ponuđeni računari u cjelosti ispunjavaju tehničke zahtjeve definisane tenderskom dokumentacijom.

Za drugi i treći žalbeni navod ponuđača INGEL doo Tuzla, da ponuđeni računari ponuđača MOON Zenica te INTER-COM Zenica ne ispunjavaju uslove iz tenderske dokumentacije tj. da ne ispunjavaju obavezne tehničke zahtjeve, Ured za razmatranje žalbi je rekao da žalbeni navodi žalitelja imaju utemeljenje u činjenicama i relevantnim odredbama ZJN-a, te se isti ocjenjuju utemeljenim, jer je ugovorni organ povrijedio odredbe iz člana 57. stav 1. ZJN-a, jer je prihvatio ponude koje objektivno ne ispunjavaju obavezne tehničke zahtjeve utvrđene tenderskom dokumentacijom.

Pošto ponuđač NEUTRINO doo Tuzla, nije dostavio traženu dokumentaciju kojom bi dokazao da ponuđeni računari u cjelosti ispunjavaju tehničke zahtjeve definisane tenderskom dokumentacijom, a Ured za razmatranje žalbi je utvrdio da ponuđeni računari ponuđača MOON Zenica te INTER-COM Zenica, ne ispunjavaju obavezne tehničke zahtjeve iz tenderske dokumentacije, ugovorni organ je donijeo odluku kao u članu 1.



V.D. PREDSJEDNIK SUDA

Hajrudin Livadić

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od pet (5) dana od dana prijema ove Odluke. Žalba se podnosi u pisanoj formi direktno ili preporučenom poštanskom pošiljkom na adresu Općinski sud u Kalesiji, ul. Žrtava Genocida u Srebrenici br. 12, 75260 Kalesija, i to u najmanje tri primjerka.